

公開組

冠軍

《西江月·餘蔭山房》 鄔式窩
漫步臨池翰苑。重探深柳書堂。小樓琴韻響丁璫。誰共佳人和唱。最是鬪情鴻雪。都成刼罅文章。門前一片稻花香。舊燕尋巢兩兩。

亞軍

《西江月·老妻加國歸寧書懷》 黃以芍
久對常嫌齟齬。暫離頓起思量。萬重雲水隔汪洋。分付夢魂來往。擬仗醇醪深盞。還羞孤影空房。仙槎真可渡銀潢。願借如風雙槳。

季軍

《西江月·網中人》 李裕韜
網路縱橫不寐。電郵收發難休。聊天室內結盟鷗。虛擬群雄煮酒。盤鍵敲殘十指。熒屏勞澀雙眸。徐徐新月掛簾鉤。涼意輕侵戶牖。

*優異獎

《西江月·丙戌春遊滬觀黃浦江有感》 吳國軒
往事何從縈繫。餘生堪記凝眸。如今相見不相留。獨對昏燈如豆。緣份恰如江水。隻身長似蓬舟。東來西去兩悠悠。莫負煙花時候。

《西江月·佳人》 林世鉅

剪韭手招群燕。采薇目送孤鴻。空山偶值荷鋤翁。商略白雲新種。蘿幌自生明月。屨廊何羨春風。朝來百舌碧溪東。啼破梅花一夢。

《西江月》 張慧賢

煙絡溪林縮霧。雲舒翠嶺浮霞。水邊草舍綠楊家。看取禽飛上下。歲去頻驚節序。年來細數霜華。春風吹雨拂春花。過眼紅嫣紫姹。

《西江月·詠火百合》 黃卓明

逸采青莖早秀。流光綠葉常新。冬陽有暖可賒溫。豈效寒梅幽困。蕊吐芳心若許。花開愛火如焚。此情不在賞花人。盡在春風一吻。

《西江月·回鄉曲》 蘇照生

一路大樓林立。兩旁碧樹蟬喧。客車高速話當年。轉眼江橋不見。鳥轉斜陽傍嶺。笛鳴小鎮籠煙。老家千里半天還。月下鄉音一片。

*特別獎

《西江月·詠竹》 方富永

雨洗亭亭素節。風梳裊裊仙姿。瀟湘翠影最宜詩。嵇阮千秋韻事。松老梅閒常伴。月明雲淡相依。貞心一片歲寒知。看盡飛花逝水。

《西江月·秋興》 白福臻

淺水一邊浮白。繁林幾葉添黃。淒然秋氣滿繩牀。王粲登樓四望。閉戶心歸萬里。思鄉身寄殊方。酒狂畢竟助詩狂。感慨吟懷蕩漾。

*排名按姓氏筆劃序

香港公共圖書館主辦

第十六屆全港詩詞創作比賽—填詞

獲獎作品

第十六屆全港詩詞創作比賽——填詞

公共圖書館由一九九一年起，每年均舉辦「全港詩詞創作比賽」，單年比詩，雙年比詞，目的在提高市民的中國語文運用及韻文欣賞的能力。今年舉辦的「第十六屆全港詩詞創作比賽」，已是第八次的「填詞比賽」。評審委員有何文匯校長、周錫韞教授、韋金滿教授、黃坤堯教授及劉衛林教授。

比賽分學生組及公開組，詞牌為《西江月》。今屆的參賽者非常踴躍，共收到八百六十多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員須多次討論，經初選、複選後才能決定名次。為確保評選公平，整個評審過程都採用糊名方法進行。評判團更約見了學生組入選參賽者，並要求入選者即席對聯，然後才決定得獎名次。

學生組

冠軍

《西江月·夜吟》

何鳳琴 香港中文大學

淨几薰爐窗側。狼毫方硯燈前。茶含新葉寸針旋。煙淡夢魂飛斷。往事漸隨流水。霜華管作清言。溪雲疏雨落花箋。幾許風情自見。

亞軍

《西江月·梅花下作》

程彥 香港樹仁學院

乍見寒梅吐豔。還須綵筆逢場。暗香浮動月昏黃。影貼如花鬢上。尚欠微微雪意。更期淡淡春光。一枝折取寄檀郎。黯黯銷魂遠望。

季軍

《西江月·靜夜思》

林美玲 香港中文大學

月冷風清山靜。衾寒燭暗樓空。聽歌窗外韻相通。一曲霓裳誰弄。惆悵鳥啼枝上。可憐花落園中。紅顏何以駐芳容。昔日春華如夢。

*優異獎

《西江月·詠烏鳥》

李雪全 珠海學院

日照無邊碧海。風吹幾片浮雲。忽聞烏鳥苦吟呻。一一聲中有恨。不見慈親形影。誰憐遺子心神。終宵啼淚落兒身。樹底孤飛長困。

《西江月·觀崑劇牡丹亭有感》

許啟裕 香港樹仁學院

芍藥闌干繾綣。梅花道院留連。重尋枕席暮雲邊。看盡春愁片片。臺上情深未變。人間夢短難眠。倩誰再寫牡丹篇。聊解痴心不斷。

《西江月·看梁祝恨史有感》

馮瑞麟 香港樹仁學院

別恨離愁脈脈。長亭淒雨泠泠。相看執手兩吞聲。蝴蝶迷離未定。三載雌雄錯認。一雙鸚鵡難成。由來月老總無情。聚散匆匆苦命。

《西江月·利瑪竇宿舍》

蔡甲算 香港大學

濁酒千觴共醉。雄心萬丈同張。青春血汗灑紅堂。莫負稱王眾望。一覺清狂夢短。幾分年少情長。難忘說笑話天方。夜半風中廊上。

《西江月·校園即事》

劉翠萍 香港中文大學

合一亭前尋月。未圓湖畔觀星。冬寒水淺葉孤零。雲霧飄踪不定。苦淚驟聽風語。清歡長看霜凝。徬徨心境漸澄明。來日還須拼勁。

*特別獎

《西江月·受騙後作》

吳曆恒 新界鄉議局元朗區中學

不恨多端詭計。可憐鐵齒銅牙。卻將顧客作魚蝦。死話隨他開價。昔日范公貨殖。當年呂父榮華。人間蠱惑數商家。買賣須防有詐。

《西江月·紅棉》

陳易生 香港專業教育學院(觀塘分校)

料峭春風無極。凌夷天物柔情。棲鶯疏雨噤啼聲。向晚蕭森沉靜。高健未羣叢綠。紅妝不媚蜂兵。瓊苞綻盡蔭方成。直待飛綿雲影。